Relation

ELLE & VERITABLE

la nouuelle découuerte d'vne atriéme Isle de la terre Australe, ou Meridionale Inconüe, sous le nom d'Isle de

INES.

ela maniere dont elle s'est peuplée; traduite du Flamend & renfermée

Dans une lettre écrite par le Traducteur à vn sien amy.



ABRAHAM GOGAT Marchand Libraire, 1660.



Le Libraire au Lecteur.



terceptée, par quelques amis de celuy qui l'écriuoit, qui en ayant leu quelque chose chez luy, & iugeant qu'elle meritoit d'étre veue encore par d'autres, que par celuy à qui elle s'addressoit, chercherent & trouuerent le moyen de mettre auec fubtilité les mains dessus; & comme il est tombé de bonheur entre les miennes, vne des copies que l'on en a faites en fuite; J'ay cru que i'obligerois beaucoup les François en l'imprimant, pour leur procurer la lecture de l'agreable & furprenant recit qu'elle contient, conforme à la plus fidele copie qu'on en aît tirée en langue Flamende de l'Original Anglois publié à Londres, le 27 de Juin Stile vieux, ou le 7 de Juillet felon le nouveau 1668. 5

Ette lettre a eté adroitement in-

LETTRE

LETTRE

De Philogyton à Nicophile, contenant entr' autres choses, la Relation de la nouuelle découverte de l'Isse de Pines.

Mon Cher.

E grand & facheus accident, que vous ne sauez que trop qui m'est arrivé, vous aura porté sans doute plutôt d'me plaindre, qu'à me condamner sur l'interruption de nôtre comerce, & qu'à m'accuser d'incivilité, pour n'auoir pas répondu aussi tôt que ie le deuois, à trois de vos agreables & obligeantes lettres: Les grandes douleurs ne rendent pas moins immobile la main, que la langue; & i'ose même dire, qu'elles font qu'un homme est encore plus incapable d'écrire, que de parler, le desordre étant moins suportable dans les écrits, que dans

le discours; Mais si les disgraces extraordinaires, & sur tout celles à qui tous remedes semblent étre ôtés, ont cela de propre, qu'elles ne donnent pas à ceux qui en sont accueillis, ou frapez, cette espece de soulagement, que les petites laissent trouuer dans les pleintes, aux mal-beureux qu'elles font; il est certain aussi, que ceux qui n'en sont pas accablez, des qu'ils en sont atteints, les surmontent, & en triomphent ensuite tout d'un coup, & en perdent plûtôt le souuenir, qu'ils ne feroient celuy de quelque déplaisir mediocre, par ce qu'il est de la prudence de ne se pas obstiner à la poursuite de l'impossible; Or comme mon affliction est de cet ordre, aprenez qu'apres en auoir senty le rude coup, tout aussi pesant qu'il l'a été, ie me suis enfin réueillé de l'étourdissement qu'il m'auoit causé, que ie suis reuenu de la tristesse dans laquelle il m'auoit plongé, & que ie ne confidere plus mon infortune, que du côté du profit que i'en dou faire, sans me refléchir inutilement, & d ne maniere à me tourmenter cruellement

lement moy méme. sur ce qu'elle m'a fait perdre de biens, ou qu'elle m'a pû faire éprouuer de maux; Ce n'est pas pourtant la stupidité d'on insensible, one fausse brauade de Stoicsen, ny une affectation ridicule de copier quelque Heros de Roman; mais c'est plutôt l beureuse indolence d'un sage, [si ce n'est pas décheoir de ce tître, que de le prendre] & la tranquillité imperturbable d' un Chrétien, qui m'obligent de vous parler de la façon. & vous n'aurez pas de peine à me croire, vous qui conneissez, la trempe de mon ame, & qui sauez mieux que qui que ce soit quelle en est la situation. Je reprens donc auec mes esprits. les douceurs inconceuables dont ie iouissois par cy deuant à m'entretenir auec vous, & ie vay vous faire part en peu de mots, de ce qui se passe au lieu ou i attends les ordres de ceux qui ont autorité sur moy Quelque agité qu'il semble que mon cœur dût étre, si est ce qu'à la reserve de ce que la conti. nuation des troubles de la ville ou vous étes, & qui me doit être si chere pour tant de raisons, m'en cause, il ne participe pas pour un peu, au grand calme, & au parfait repos qui regne auiourd'huy dans la Hollande, quine s'est iamais veue dans un état plus paisible, ny plus flo rissant, que celuy où elle se trouue presentement : Apres auoir eu la gloire de terminer à son auantage, une guerre qui a pensé luy être plus fatale en trois ans de temps, que celle des successeurs de Charles Quint, qui en voulurent opprimer la liberté, qu'il auoit déia sappée, ne luy auoit été funeste pendant pres d'un siecle: Apres auoir encore porté par la vigueur & la prudence de son entremise, le grand Roy de France, dont elle cherit bien plus l'amitié, qu'elle n'en aimeroit le voisinage, à poser volontairement les armes en faueur même de l'onique reietton de la race de ses Anciens Tyrans, bien que ce redoutable Monarque publie pour son bonneur, qu'il ne l'a fait qu'en consideration des prieres du Pape Clement Neuuiéme, pour qui il a autant de déference, qu'il auoit peu de Veneration pour Alexandre septième son Predecesseur au Pontificat : Apres s'etre alliée enfin, & liguée de bonne foy, auec toutes les plus considerables puissances du Nort, elle fait goûter à ses babitans & à ses suiets, les fruits aimables & delicieus d'une tranquillité souveraine: Aussi n'y entend on plus personne qui murmure, ny qui se plaigne d'un Gouvernement, qui est le plus doux au dedans, & le plus vigoureus pour la défense & pour la consernation au debors, sous lequel aucun peuple aît iamais eu le bon heur de viure : Tout lemonde y respecte ce Grand bomme, qui auec un nombre considerable d'autres Conseillers, intelligens, & tout à fait bien intentionés, ne fait pas seulement mouuoir le corps de cet Etat, mais modere encore, pour ainsi dire, tout ce qu'entreprend la Politique la plus raffinée des Ministres de toutes les autres Cours de l'Uniuers; Tant il est vray que son genie a un ascendant tout visible sur les leurs, & tant son esprit a tout à la fois d'étendire, de penetration, de conduite. 6 d'acti. A 4

d'actiuité; Il ne seroit pas necessaire, apres cette peinture, de vous dire, que c'est du fameus & de l'illustre Monsieur de Wit que i'entens parler, qui a cela de merueilleus qu'il est proprement la téte des Hollandois, fans en auoir l'eleuation, ayant tout ce que le Gouuernement a de necessaire, sans aucun mélange de ce qu'il a d'odieus, qui est la grande distance que l'ambition fait mettre à plusieurs, entr'eus & ceus qu'ils gouvernent, aussi bien que l'affectation de la Monarchie, en tirant à soy toute l'autorité du commandement, sans la partager auec ces Collegues qu'on a d'ordinaire dans les Republiques; Je ne vous dis rien de son domestique, ny de la constance, & de la moderation auec laquelle on luy voit souffrir quoy qu'il la sente extremement, la perte qu'il a faite, depuis peu, d'une tres vertueuse & excellente femme, qui fut enseulie dernierement, auec une pompe qui marquoit bien plus la baute estime que l'on fait de luy, qu'aucune grandeur a fectée de sa part; par ce que ie ne le considere dere proprement, que du côté de la Relation qu'il a auec les Prouinces Unies, qui doinent aux soins qu'il prend pour elles, auec ses Confreres, ce qu'elles ne sont absolument plus molestées ny trauersées de personne, dans leur nauigation, dans leur commerce, & dans leur pesche: Me pourres vous aioûter foy, si auance, comme ie le puis faire sans méloigner aucunement de la verité, qu'elles ont receu ce mois dans leurs ports le retour le plus fauorable des Indes Orientales, qu'elles ayent iamais veu, consistant en seize Nauires richement Chargez, & fur tout d'aromates & d'épiceries; ass: 9 de Batauia, 3 de Ceilon, & quatre des autres lieus que la Compagnie Hollandoise pour l'Orient, y possede; & que direz vous, si s'aioûte auec la même certitude, que la Chambre d'Occident vient d'en receuoir deux, qui luy rapportent en barres & en lingots, la valeur, comme on assure, de plus de trois millions d'or? Je vous entretiendrois ensuite de quelques particularitez de ce qui se fait en la Ville de mon seiour, qui

est Leiden. Je vous dirois quelque chofe de l'erudition, & de l'eloquence dont nous auons veu briller depuis peu la Harangue Inaugurale, que nous a donnée M. Valckenier, qui remplit aft beure cette chaire de Theologie, que l'on avoit destinte à son amy, le sauant Mr. Turrettin. Comme aussi ie vous parlerois d'one assez iolie traduction que quelqu'un qui ne vous est pas inconu, a faite en Francois, de cette ingenieuse Satyre Italienne, qui porte le nom de Conclaue des Dames, & des Courtisanes de Rome, pour l'election d'un nouueau Pape, sur le bruit de la mort du dernier d'funt, je vous ferois comprendre combien vous auez de part à tous nos entretiens, depuis le retour d'un de nos plus chers Voyageurs, de l'Italie, je vous toucherois encore quantité d'autres choses, n'étoit que i'ay bien assez de quoy remplir mon papier d'un recit tout à fait surprenant, que l'ay lu en Flamend ces iours passez, & que l'ay habillé comme i'ay pû à la Francoise, asin de vous en faire part; Ce n'est pas que comme il sent fort

fort le Roman, i'ose y aioûter une creance entiere: mais c'est que uray, ou non, si ramene si bien les idies du siecle d'or, & de l'âge de l'innocence, & peut donner suiet à tant d'agreables restexibs, & d des questions si curieuses, que ie n'ay pû m'empécher de vous l'enuoyer, pour exercer vôtre esprit, & celuy de vos amis, en voicy le

SOMMAIRE.



Uelques Anglois ayant entrepris le voyage des Indes Orientales, du temps de la Reiné Elizabeth, font naufrage par de la Madagafcar le St Laurent des Portugais, & l'Ille

Dauphine auiourdhuy. Tout leur monde y perit, a la referue d'un homme, & de quatre femmes, dont vue étoit Moresse, qui à la taueur d'vne piece du débris de leur vaisseau, se fautent dans vne Isle voisine de cette terre Australie ou Meridionale qu'on nomme inconsie, ce petit nombre de personnes trouue ce pais defert, mais habitable, & le voit heureusement peupler par la longue vie de ce seul homme, &

A 5

par le grand nombre d'enfans que ces quatre femmes luy donnent, qui demeurent fans auor communication auec personne de dehors iutqu'en l'an 1667. qu'ils y sont découverts par vn Vaisseau Flamend, que l'orage & l'obscurité y poussent, qui y trouve des habitans en nombre de dix à douze mille, descendus vniquement de ces cinq premiers, & parlant tous fort bon Anglois, & le Maître en raporte le present recit, tout tel qu'il est icy couché, & qui ayant été écrit par le Fondateur méme de cette peuplade inopinée, quelque peu de temps auant fa mort, luy a eté encore hautement consirmé par les gens du lieu.

Les Portugais ayant trouué vn passage pour aller aux Indes Orientales, moins dangereus, & plus profitable que ceux par ou l'on yalloit auparauant, asse par le Midy de l'Afrique, Quelques marchands Anglois, excitez par le gain incroyable qu'on y pouuoit faire, & par le desir d'y auancer le commerce que leur nation auoit commencé d'y exercer, prirent la resolution d'en faire par là le voyage, pour y dresser vn magazin; c'est pourquoy en ayant demandé, & obenu

tenu de la Reine Elizabeth, en l'an 1589. c'est à dire en l'onze ou douziémede son regne, vn Ottroy particulier & fauorable, ils firent equipper quatre vaisseaus, pour les y envoyer au plûtôt; Mon maître prit party dans vn, tant pour aller faire là sa demeure, que pour y seruir ces marchands, & y negotier pour eux, Il y voulut mener toute sa famille, composée de cinq ou six personnes. ass: de sa femme, d'vn fils de l'âge d'enuiron douze ans, d'vne fille de quatorze, de deux seruantes, d'vne Esclaue Moresse, & de moy, qu'il auoit pris pour tenir ses liures: Nous partimes vn Lundy, qui se trouua étre le troisseme d'Auril de la die année, apres nous étre amplement & soigneusement pourueus de tout ce qui nous serent necessaire pour y établir ménage, quand nous y serions arriués; Le tout avant eté chargé, & nous étans embarquez dans vn Nauire bon & fort, nommé le Marchand In-

Indien, de la charge ou portée enuiron de 450, tonneaus, vn bon vent nous fit mettre à la voile, & voguer si fauorablement, que le 14. de May ensuivant, nous eumes en vue les Isles Canaries, & bien tôt apres le Cap Vert; Nous y primes tous les rafraî-chissemens & toutes les provisions dont nous crûmes que nouspourrions auoir besoin, & puis nous continuámes nôtre route du côté du Midy, fuivant vn point, ou vn courant Oriental, en sorte que le premier d'Aoust nous découurimes l'Isle S. Helene, & y ayant abordé, nous nous y pouruûmes de nouuelle eau fraîche; De là nous dressames, nôtre cours vers le Cap de Bonne Esperance, ou, par la grace de Dieu, nous arrivames heureusement, apres auoir eté toutefois visités dans nôtre Bord, de quelques maladies, qui nous enleuerent diverses personnes; mais qui épargnerent en particulier toute la famille de mon Maître; Jusques là nous n'auions

eu que douceur, que beau temps, & qu'vn calme tres riant; mais apres étre venus iusqu'à la hauteur, & bien proche de l'Isle de St. Laurens, que ceux qui hantent & sauent les mers disent être la plus grande qui soit au monde, nous fâmes accueillis d'vne furleuse tempéte, qui s'opiniatra à nous battre & à nous balotter pendant plufieurs iours, auec vne impetuofité si effroyable, qu'elle nous fit perdre & l'esperance. & le jugement, ignorant si c'étoit'contre des bancs de fable ou contre des écüeils, qu'ellenous feroit échouer, & perir tous par yn lamentable naufrage: Nôtre frayeur, & nôtre triftesse augmentoient principalement de nuit, que nous n'auions aucun rayon, ny filet de lu-miere, ny la moindre veüe du ciel, & en cet état nous ne faisions qu'y pouffer nos vœus les plus ardens, pour le retour du jour, & l'approche de quelque terre, ou nous pussions aborder promptement pour nôtre salut; Sur

Sur le commencement d'Octobre: Car le trouble & le desordre ou de si crüelles apprehensions nous mirent, nous firent oublier de conter les iours, parce qu'il nous faloit conter tous les momens, dans l'attente certaine de celuy de nôtre mort, qui nous fembloit ineuitable, nous apperçeûmes de loin quelque terre, que nous ne conûmes point, & qui nous parut haute & montagneuse; La mer dont la furie ne s'appaisa point, nous en ayant fait approcher, fans apparence de secours, & sans autre certitude que celle de nôtre perte, nôtre Vaisseau ne deuant plus gueres tarder à se bri-ser, le Capitaine mon Maître, & quelques autres croyant que c'en fût le plus seur moyen, se mirent dans l'es-quif pour se sauver, les matelots & ce qu'il restoit de gens dans le Bord, voyant cela, se ietterent in continent dans l'eau, tout à la fois, pour tácher de gagner celuy de la mer à la nage, par ou il ne resta dans le Nauire, que la fille de mon Maître, ses deux seruantes, la Moresse, & moy. Mais ceux qui nous abandonnerent, eufsent bien mieux fait de nous tenir Compagnie, puis que nous les vîmes tous perir, ou du moins la plus part, qui se noyerent à nos yeux, & que bien que nous ne nous proposassions, & ne dussions esperer qu'vn pareil sort, la misericorde de Dieu voulut par vn miraclel, nous fauuer la vie, nous assuiettir encore à ses necessités, & nous referuer à beaucoup de soins: Car le vent nous ayant fait donner contre des Rochers, & nôtre Vaisseau ayant heurté & craqué effroyablemet par trois fois, sans être pourtant mis en pieces tout d'vn coup, nous nous iettames tous cinq auec beaucoup de peine, sur vn trauersier de voile, que les coups de la mer auoient rompu, & qui nous portant dans vn regorgement étroit, qu'vne petite riuiere faisoit entre les mémes rochers, nous fit enfin prendre terre plus qu'à demy noyez,

noyez, à la reserue de la Moresse; étant montés en suite, sur vne pointe du roc, nous découurîmes auec bien de la douleur, & regardames d'vn œil aussi mouillé que le reste de nôtre corps l'étoit d'ailleurs, les tri stes débris de nôtre naufrage flottans à la mercy de l'eau: & comme ie trouué de bonne fortune dans ma pochette, vne boëte à méche, auec des pierres, & vn fusil, que ie portois pour m'en seruir à l'occasion, elle nous vint merueilleusement à propos : car étant à l'épreuue de l'eau, & bien fermée, la méche n'en auoit point pris, mais s'étoit conseruée seche & combustible, de sorte qu'ayant allumé vn tas de buchettes de bois pourri, nous nous sechámes, cela fait ie quitté pour vn peu, la Compagnie de ces femmes, à dessein d'aller voir si ie n'aperceurois nul de nos gens, à qui la bonté diuine eût fait toucher le riuage, aush heureusement qu'à nous qu'elle auoit ainfi tiré des bras de la mort: Mais Mais i'eus beau chercher, & pleuret, mes cris, & mes lamentations furent inutiles: car ie n'aperçus aucune trace de Creature vinante, excepté que i'oüis le Gazoüillement de plusieurs sortes d'oiseaus, c'est pourquoy le soir approchant, ie m'en retourné mortellement affligé vers le lieu ou i'auois laissé mon vnique Compagnie, & ces quatre poures femelles, qui écoient déia fort en peine, & fort allarmées de mon absence, par ce que i'étois seul apres Dieu tout leur appuy, & toute leuresperance:

Etant vn peu reuenus à nous mémes, nous sûmes d'abord saiss d'vne grande crainte, que les Sauuages qui pouuoient étre dans cette sile, ne nous vinssent assaillir, nous n'en vîmes toutesois ny pié, ny trace. Remarquant ensuite que les bois qui se presentoient à nôtre veüe, étoient tout semez, & sermez de brossailles extremement toussies, & de Halliers fort, épais, au trauers desquels il eût été

été impossible de brosser, nous aprehendames encore qu'ils ne cachassent des animaus seroces, capables de nous deuorer, sans cependant en decouurir non plus nulle marque. Enfin ce qui raisonnablement, & par dessus tout, nous mit dans l'épouvante, sut la iuste aprehension de ne rien trouver à manger, & d'étre reduits à mourir de saim: Mais Dieu y auoit aussi pourueu d'ailleurs, comme la suite de ce narré vous le doit aprendre.

Nous employames le reste du iour à tacher de ramasser quelques planches de nôtre Vaisseau brisé, & d'en tirer sur le Sec quelques cordages, auec quelques lambeaus de nos voiles, pour nous en faire vn petit cou-uert, qui nous seruît de retraite, &

de gîte, en attendant mieux.

Je planté donc apres cela deux ou trois paux, & ayant attaché autant de cordes de l'vn à l'autre, i'étendis par dessus ylié les bouts de voile que i'auois pû recouurer, & puis ayant amasamassé du bois, & fait du feu pour fecher quelques houpelandes, ou robes de matelots, que nous auions sauuées, afin de nous en couurir, nous nous couchames tous ensemble la desfous, pour cette premiere nuit, nôtre Moresse, plus innocente que mes Angloises, s'étant étendue fort proche de moy, sans songer nullement à mal; & comme les trois ou quatre nuits precedentes le peril, & la tourmente ne nous auoient pas permis de prendre aucun repos, nous passámes fort doucement celle là dormant d'yn fomeil bien tranquile, & tres profond, aussi nôtre cœur ne pouuoit il pas s'abandonner à la crainte, dans nôtre nouuelle habitation, veu l'excez de nôtre langueur, & de nôtre abatement, & tant nous étions recrus, & fatiguez de toutes les peines passées.

Le lendemain, nous nous sentîmes en meilleur état, & comme tout remis, & restorés, par cette bonne nuit que nous venions d'auoir, apres tant de si mauuaises; Levent qui cessa pareillement, & le calme qui succeda à la tempéte, nous exposant à la pointe des rayons d'vn Soleil ardent, nous descendimes sur la greue, où nous trouuames éparseça & la, vne bonne partie de la Charge de nôtre mal-heureux batiment, tandis que le reste qui flottoit encore, étant poussé par les vagues, s'alloit approchant du bord;

Nôtre petite troupe appliqua tous fes soins, & toute son industrie à le pescher, & à en porter sur le sec tout ce qu'il luy sut possible d'en retirer, Nous en vinmes aussi presque entierement à bout, mettant en pieces ce qui étoit trop pefant, pour que nous le pussions porter, trainer, ou bien pousfer deuant nous, Nous ouurîmes les caiffes, & les coffres, & prîmes ce qu'il y auoit dedans, en sorte que nous eûmes des habillemens, tout ce qui appartient au ménage, & plus de quoy nous meubler que personne de nous n'eût iamais ofé se le promettre. Mais auec

auec tout cela, nous ne laissions pas de nous tenir assez mal arriuez du côté du point le plus necessaire, & de l'article le plus important, qui étoit celuy de la mangeaille; puis que tout ce que nous regagnámes encore de nos prouisions de bouche, auoit été gaté par la Salure, à la reserue d'vne seule Caisse de Biscuit, qui n'ayant pas été endomagé, ainsi que nous l'inferames de la pesanteur de la Caisse, beaucoup moindre que celle des autres, ou l'eau Salée auoit penetré, en quoy nous ne nous vîmes point trompez à l'ou-uerture, nous fur d'vn merueilleus fecours, & nous feruit de pain pour tout vn temps.

Nous auançant apres dans le pais, & y voyant vne forte d'Oiseaus; de la grosseur a peu pres des Cygnes, mais fort charnus & fort gras & qui à cause de ce trop de corps, n'auoient pas la force de prendre l'essor, & de s'eleuer assez de terre pour voler; nous n'eûmes pas beaucoup de peine à en tuer,

& ils nous seruirent par fois de Viande: En outre comme nous auions apporté d'Angleterre, entr'autres prouisions, vn grand nombre de poulets, & de poules, pour les manger pendant le cours de nôtre longue nauigation; il arriua que quelques vnes de ces poures bétes, auec l'aide de leurs ailes, ou autrement, se sauuerent, lors que nous échouames. dans le même endroit de l'Isle que nous, ou pondant, & multipliant beaucoup, elles nous fournirent assez dequoy nous repaître, nous rencontrámes apres tout, sur la Rade, aupres d'vne petite riuiere, vne quantité excessiue d'œus, qu'y auoient faits certains oiseaux, qui ressembloient beaucoup aux Canards d'Angleterre, & que nous éprouuámes être vn excellent, & friand manger: de maniere que nous ne souffrions point de disette de ce qui est necessaire pour l'entretien de la Vie.

Le matin du troisiéme iour, considerant que rien ne nous faisoit obsta-

clo

cle, ny ne nous donnoit aucun om? brage, nous nous hazardámes à passer plus outre, & ie fus méme choisir vne place qui fût propre à y bátir nôtre Logette, pour y fixer nôtre station, à l'abry du vent, à couuert contre la pluye, & les autres iniures de l'air, aussi bien que hors des attaques nocturnes des bétes farouches, au cas qu'il y en eût dans le pais; Je m'arrété pour ce suiet, pres d'vne fontaine, ou d'vn agreable ruisseau, qui tiroit sa fource d'vne haute montagne, extremement auancée dans la mer, & à côté d'vn grand bois, ayant resolu que ce seroit celuy duquel nôtre tente demeureroit ouuerte; Prenant vne hache, ou vne cognée, auec quelques autres instrumens, selon que la mer qui nous auoit été d'ailleurs si impitoyable, nous auoit rendu parmy d'autres hardes, tous ces oùtils de Charpenterie, qui font vne des plus essentielles parties de l'equipage, i'allé couper quelques arbres des moins gros

gros, les plus droits, & les plus d'vsage que ie pus trouuer, & puis, auec l'aide de ma Compagnie, a qui la necessité seruoit de maîtresse, ayant foui assez auant en terre, nous les plantames dans ces creus que nous auions faits & les fimes tenir les assurámes passablement aux quatre coins, clouant coutr'eux tout autour les planches dé tachées de nos Caisses, de nos Coffres, & du Vaisseau, & ayant fait la porte, comme i'ay déia marqué, deuers la mer, ie tendis, & attaché bien fort par dessus, nôtre chetif reste de voile, & fis ensuite dans la semaine, vne espece d'arche, ou de grand coffre en façon de Caisse, capable de renfermer tout nôtre auoir, & nôtre petit atti-rail; comme i aiusté aussi, vne place assez commode pour nôtre gîte, iusques à ce qu'il plût à Dieu, de nous enuoyer,& adresser quelqueNauire,à la faueur duquel nous pussions nous en retourner, & regagner l'Angleterre, ce qui n'arriua point, malgré toute nôtre

nôtre attente, d'autant que cette Isle est, comme ie pense, tout à fait hors du chemin, & de toute sorte de pas-

fage.

Ayant vécu quatre mois entiers de la sorte, sans auoir fait rencontre d'aucun sauuage, ny oüi la moindre mention du monde de nôtre bateau, ny vû paroître qui que ce soit, concluant que tout auoir assurément été noyé, nous nous enfonçámes de plus en plus par nos promenades, dans le païs, & nous trouumes que nous étions dans vne Isle fort longue & fort large, hors de la veue de toute autre terre, sans autres habitans que nous, sans aucune béte nuisible, & dangereuse, & sans aucune creature qui nous incommodát, ou empéchát en rien, vn païsage plaisant, vn seiour des plus charmans, vne campagne ta-pissée, & couverte d'vne verdure fraîche & riante toute l'année, des arbres toûiours chargez de fruits tres fuccalens, & d'vn goût tres delicieus, vne

vne quantité incroyable de diuerses sortes d'oiseaux, vn chaud perpetüel, & iamais plus de froid, qu'on n'en sent en Angleterre, au mois de Septembre, & vn lieu en vn mot, ou s'il étoit baty, & remply de monde ciuilisé, on viuroit comme dans vn veritable Paradis.

Les bois nous y fournissoient vne espece de Noix, de la grosseur d'vne grosse pome, dont la chair, le noyau, ou le cerneau étoit tres agreable sec, & nous ténoit lieu de pain; Nous ne mangions auec cela que de la volaille, dont nous auions l'afflüance par des oiseaus de riviere ressemblans à des canars, dont les œufs étoient pareillement excellens: Nous trouuames encore vn animal à quatre pieds, gros enuiron comme vn bouc, en ayant à peu pres la ressemblance, & assez les proprietez; il porte deux fois l'an, & à chacune deux petits, les bois, & le plat païs regorgeoient de céte béte, qui étoit si douce, & si priuée, que

nous la prenions sans peine, & sans

ctainte pour l'égorger.

Nous eûmes encore pour nôtre entretien, force poisson, & principalement de l'Escresin qui étoit celuy dont nous prenions le plus, & auec le plus de facilité; de sorte que rien ne nous faisoit faute, de ce dont on vse pour se sustente, aussi passantes nous la vie auec ces sortes d'aides, sans soussirir la moindre incommodité, six mois durant.

Cependant l'oisiueté, & la pleine iouissance de tout ce que l'aurois pû desirer comenca à me rendre conuoiteus, à me faire deuenir lascif, & à me porter à souhaiter violemment le comerce auec le sexe, & la dessus étant deuenus plus priuez & plus familiers ensemble que nous n'étions auparauant, ny même depuis nôtre comun embarquement, il me fut aisé d'obtenir, des deux servantes de mon maître, qu'elles me permissent de coucher, & d'habiter auec elles, ce qui se sit d'abord

bord en cachette, & à l'insceu des autres deux, asse: de la fille de mon maître, & de la Moresse; mais ensuite, l'habitude nous faisant perdre la honte, & oublier nos premieres precautions, d'autant plus que nous n'auions là personne à craindre, ne s'y trouuant que nous cinq, la fille de mon maître voyant nos caresses mutuelles, prit enuie de nous imiter, de quoy ie n'us garde de m'affliger, puis que toutes trois étoient effectiuement de belles & de gentilles creatures, & des femelles aussi agreables, & aussi bien faites, qu'il s'en pouuoit voir, fraîches, & de bonne robe, comme nous ne manquions de rien de ce que le corps demandoit.

D'ans l'abondance des viures nous passions le temps fort gaillardement, & n'ayant aucune chose qui génat nôtre liberté, ou qui nous mît le moins du monde dans la contrainte nous nous donions carrière, & contentions tous nos desirs; Et décheus.

Eue

que nous nous vîmes de toute esperance de passer iamais en d'autres païs, ny de retourner en nôtre patrie, nous nous sentîmes viuement asguillonés à la volupté, & portés à travailler en posterité, afin de voir, s'il y auoit moyen, de nôtre generation, ne desirant pas de mourir ainsi seuls, & sans auoir sur nos vieux iours, quelque no uuelle Compagnie.

Vne de mes femmes, qui étoit la plus grande & la plus belle, de celles auec qui i'auois eu la premiere habitation, netarda pas à se sentir grosse. La fille de mon maître se vid la seconde au même état, & la troisséme ne la fit pas longue apres, sans éprouuer quel-

que chose de semblable.

De façon qu'il n'y auoit de toutes mes femmes que la Moresse qui chomát, cependant comme elle voyoit ce que nous faissons, elle ne soûpiroit pas peu, pour y auoir aussi quelque part.

Vne nuit donc enfin, que ie me B 4 trouvé trouué plus dormeur que de coûtume, en ayant obtenu par l'ardente follicitation de ses prieres, le consentement des autres, elle se vint coucher aupres de moy, & se colla à mon côté, croyant qu'elle me pourroit tromper dans l'obscurité; mais m'étant réueillé, ie conus incontinent à l'attouchement que c'étoit elle, N'étant pas marri toutefois d'éprouver, sans saire femblant de rien, la difference qu'il pouuoit y auoir d'elle aux autres, ie m'en trouvé pour le moins aussi fatisfait, & cette nuit la méme, quoy que la premiere, elle ne laissa pas de deuenir enceinte, d'où il arriua que la premiere année de nôtre demeure en ce beau desert, toutes mes femmes me donnerent chacune vn enfant, & de grandes esperances de faire encore beaucoup de couches à l'auenir.

La premiere mit au monde vn beau garçon, la fille de mon maître qui étoit la plus ieune de toutes, n'accoucha que d'vne fille, la feconde fer-

innte

uante se vid deliurée d'vn enfant de méme sexe; mais auec bien plus de douleur, & de trauail que les autres dans l'enfantement, à cause qu'elle étoit aussi plus corpulente & plus grafse, au lieu que la Moresse à l'opposite ne sceut ce que c'étoit que de peine en accouchant, elle nous donna pourtant vne fille belle & blanche, par ou me vis auantageusement Pere d'vn fils, & de trois filles, au bout de l'an.

Leurs couches ne furent pas longues, & ces accouchées ayant tres peu demeuré en gesine, recouurerent aussi tôt leur santé, & leur embonpoint; de sorte que les deux premieres se virent dereches enceintes, deuant que les deux dernieres eus et enfanté, n'étant pas ma coûtume, d'habiter auec aucune de mes semmes étant grosse, que celles qui n'étoient pas encore enceintes, ne les sussent déuenues; Sur tout à l'égard de la Noire, car tout aussi tôt que ie m'aperceuois de sa grossesse, ie n'auois plus aucun co-

B 5 merce

merce charnel auec elle, iusqu'à ce qu'elle en fût deliurée, & releuée heureusement; aussi ne manquoit elle point de conceuoir des la premiere nuit; (car ie ne la touchois iamais de iour) & des la premiere fois que ie me mélois auec elle; Sans quoy i'y aurois eté trop attaché, tant elle étoit bien bátie,& de belle taille, plus qu'aucune de parmy les Negres ne le fût iamais, & les enfans qui en naissoient étoient en tout si semblables à ceux de mes autres semmes, que ie n'y pouuois point remarquer de difference; Nous n'auions cependant ny habits, ny couuertes, ny draps, pour nos petits enfans, ny rien pour les emmaillotter, ou dans quoy les enueloper; c'est pourquoy apres qu'ils auoient tetté, nous les mettions reposer sur du feüillage, ou sur de la mousse, sans leur étendre rien par dessus, & sans nous en mettre beaucoup en peine, sachant bien que nous en aurions encore nombre d'autres, & qu'il nous seroit im-

impossible de les habiller tous comme nous aurionsaucunement pû faire les premiers: Car ces femmes ne manquoient point d'augmenter nôtre generation d'vn enfant pour le moins, chacune tous les ans; & nonobstant le manquement de diuerses necessités pour la plus tendre enfance, de tant, il n'y en ût iamais aucun, qui ût la moindre maladie, ou à qui nous vissions fouffrir quelque infirmité aussi les habits qui étoient la seule chose qui nous manquoit, ne nous ussent ils été necessaires pour aucun autre usage, que celuy de cacher nôtre nudité, la chaleur, & la bonté du climat, nous en dispensant d'ailleurs, & nous garentissant assez du froid.

Nous viuions contens & fatisfaits au plus haut point de nôtre état, nous voyant si auancés, nôtre famille s'augmentoit & croissoit à veüe'd'œil, rien ne nous donnoit fácherie ny suiet de deplaisir nous nous diuertissions souuent à nous promener, & à chercher

B 6

l'om-

l'ombre des arbres pour nous étendre fur la mousse, ou nous asseoir sur le gazon, J'auois même aux heures de mon loisir creusé diuers arbres pour nous y retirer sur le chaud du jour,& pour y dormir auec mes semmes. Toutes choses contribüoient de

cette maniere à me faire trouuer le temps bien court, & principalement mes femmes, qui ne pouuoient viure fans moy, ny supporter mon absence vn seul moment, lors que nos pensées cesserent de se plus porter ailleurs,& que nous nous resolûmes, en faisant méme préter le serment à tout ce que nous auions de gens fous nous, de ne nous point abandonner les vns les autres, & de ne sortir iamais de ce lieu, ou ie me trouuois auoir alors, outre mes quâtre femmes, quarante sept enfans, tant fils que filles aupres de moy, le plus grand nombre étant cependant de filles: tous & toutes croiffoient à merueilles, nous voyant tous en bonne disposition, à cause de l'excellence de la norriture que le païs nous fou nissoit, selon tous nos befoins.

Ma Moresse apres auoir mis au monde douze enfans fut la premiere à cesser d'en faire, & ie me desisté d'a-

uoir sa compagnie.

La fille de mon maître, de laquelle i'eus le plus d'enfans, & qui étoit la plus ieune, & la plus belle, fut celle à qui ie m'attaché le plus, & qui ût de même le plus fort, & le plus constant

attachement pour moy.

Seize ans s'étant écoulez auant que mon fils aîné, autant que nous nous en pûmes aperceuoir, se portât à ce que la nature nous faisoit faire méme en sa presence, ie trouué bon de luy donner vne compagne, comme à tous mes autres enfans, à mesure que ie les vis assez grands & capables de cela.

Mes femmes ayant cessé de fructifier, le nombre des enfans de mes enfans multiplia si fort, que ie crus qu'il iroit à l'infini. Ma premiere femme

m'en

m'en ayant donné treize, la seconde sept, la fille de mon maître quinze, & la Moresse, douze, qui faisoient ainsi ensemble le nombre de quarante sept.

En la vint & deuxiéme année de nôtre feiour, ma Moresse vint à mourir subitement, sans que nous en pusfions deuiner la cause, ne luy ayant rien veu souffrir'; Mes enfans se mariant auffi tôt qu'ils en auoient atteint l'âge, ie leur assignois leur demeure au delà de la riviere, afin qu'ils ne se pressassent & ne s'incommodassent pas les vns les autres, & quand les derniers à la reserue de deux ou trois les plus ieunets, eurent ainfi été tous separés, & mariés à nôtre façon, me fentant affurément bien vieilly, ie renoncé à tous les passetemps de la ieuneffe.

Tellement qu'en l'année foixantiéme de mon âge, & quarantiéme de ma venüe en ce lieu, ie donné ordre à mes enfans de m'amener les leurs, & ayant trouué que le nombre de mes descendans par mes quatre femmes, allant déia iusques à la troisiéme generation, montoit à cinq cens soixante cinq personnes de l'vn & de l'autre sexes

Je pris les máles d'vne race, & les ioignis par le mariage, aux femelles d'vne autre lignée, fans permettre plus, comme nous auions été obligés de faire auparavant, que personne époulát sa propre sœur; & puis adorant la Prouidence, & la bonté de Dieu, ie les renuoyé.

. Vous faurez de plus qu'ayant encore vne Bible qui m'étoit restée, i'auois appris à lire à quelques vns de mes enfans, de sorte que deuant qu'ils s'en retournassent, ie leur ordonné, de la lire une fois le mois, en vne afsemblée generale, qu'ils seroient tenus

de faire pour cela.

Apres ie vins à perdre encore vne de mes femmes en la soixante huitiéme année de son âge, l'enterrant en vne place que i'auois choisie expres;

Il m'en mourut vne autre l'année suiuante, par ou il ne me resta plus que la fille de mon maître, auec laquelle ietins encore ménage douze ans, au bout de quoy elle deceda, ie l'enterré à l'endroit ou ie desirois d'être enterré à son côté, apres ma mort, ayant placé ma premiere & ma plus grande semme, pour être aupres de moy de l'autre, la Moresse ensuite tout proche, & l'autre servante au de là de la fille de mon maître.

Estant paruenu ainsi veus à l'âge d'enuiron quatre vints ans, ie ne songé plus qu'àu repos, & à la mort; c'est pourquoy ie disposé de ma Hutte & de tout ce que ie deuois laisser apres moy, en faueur de mon fils aîné, qui étoit mariéauec ma fille aînée, issue de ma chere semme, & puis ie l'établis comme Roy, ou Gouuerneur de tous les autres.

Ie leur prescriuis pour ce suiet, vne forme de Gouuernement tout à fait approchante des bonnes loix de ceux de l'Europe, & pour les informer du principal de leurs deuois, ie les instruisis tous en la Religion Chrétienne, comme on la professe en Angleterre, ainsi qu'ils en parloient aussi la langue, leur enioignant d'y perseuerer & leur désendant en es d'abord & de comerce d'étrangers, d'adherer iamais à aucune autre doctrine ny sece en fait de Religion.

Pour leur en faire le commandement, ayant atteint les quatre vints ans, & passé les cinquante neuf de ma nouuelle habitation, ie sis signifier à tous mes descendans qu'ils eussent tous à se venir presenter deuant moy ce qu'ils sirent en nombre de mille sept cens quatre vints neuf personnes, des deux sexes.

Ie prié Dieu, apres les auoir exhortez, qu'il voulût multiplier sur eus la douceur salutaire de ses saintes benedictions, & leur faire annoncer hautement, & à plein, les mysteres adorables de l'Euangile de vie, & puis ie les congedié, comme ie me trouué deuenu caduque & decrepit la veüe me manquant, & le desir de viure d'auantage se rallentissant en moy, ie remis la relation presente écrite de ma propre main, à mon sils aînè le chargeant de la garder tres soigneusement & en cas que quelques étrangers vinssent à aborder là de la leur faire voir, leur permettant même d'en tirer copie s'ils le desiroient, afin que nôtre nom sût conu & s'immortalisat sur la terre.

Enfin ie donné à ma posterité celuy de Pines d'Angleterre, à cause que le mien étoit Georges Pines, la fille de mon maître s'appelloit Sara Engels, mes deux autres semmes se nomoient Marie Sparkes, & Elizabeth Treuers, c'est pourquoy afin de differentier tous ceux qui en étoient descendus, ie leur imposé le nom de leurs meres, les distinguant en Engelsen. Sparken, Treuors, & Philipsen, appellant de ceder nier nom, les ensans de la Moresse, qui fut baptisée Philippe, ou Philippine, lors de sa profession du Christianisme, sans auoir aucun surnom; Cependant le nom General de Pines Anglois, sut celuy de toute la Nation. Dieu la Veuille benir de la rosée du ciel, & de la graisse de la terre.

AMEN.

Enbone foy, Mon cher les voyages imaginaires de Lucien dans le ventre de la baleine, & ceux det ant d'autres dans la Lune, ou bien aillieurs, ont ils rien de si plaisant que cette description, & si elle est vraye, a t'one iamais û de copie plus parfast de la premiere generatio des homes, ny rien de si aprochant de ce que Moyse nous en dit? Mais ie me contente d'auoir fait l'bistorien pour ausourd buy, remettant à une autre fois à moraliser, & à faire le Theologien ou le Politique sur ce suiet tant par ce que ie suis fort occupe à Compiler des memoires pour l'histoire des dernieres guerres de l'Angleterre, & des Etats, que pour voir aussi si cette mème Angleterre, d'ou la Relation nous en vient, & ou i'espere, Dieu aydant , de me rendre dans peu, ne nous pourra point fai re auoir plus de lumiere la dessus Prenez cependant la peine de m'écrire ce que vous en aurez, pense & ce que vos amis en auront dit, Vous en pourrès diuertir pour quelques iours ces Messieurs que vous voyez à la Campagne, & sur tout l'illustre Triumuirat